

٦٤٧
٩٨١٤١١٨

بلاستك
م. ج. ج. ج.



وزارة التعليم العالي
كافة رياض الأطفال
القاهرة

٦٤٧
٩٨١٤١١٨

دادد

مسرحة

١٢٩
٩٨١٤١١٨

وداد بنت الصياد

تأليف وإخراج

دكتور كمال الدين حسين

وداد بنت الصياد

المنظر: إحدى قرى الصيادين .. على شاطئ البحر .. مراكب الصيد تظهر من بعيد .. الشياك مفرودة على الشاطئ .. دروة مسرح العرائس فى أقصى أعلى يمين المسرح .. مجموعة من الأطفال تخنى وترقص ..

ياللا نلعب ياللا نلعب

من حقنا أننا نلعب

دى أجازتنا

واحنا نجحنا

يبقى لازم لازم نلعب

صوت: لا نقرأ أحسن نقرأ

- : برضه كمان لازم نلعب

صوت: لا نكتب أحسن نكتب

- : برضه كمان لازم نلعب

دى أجازتنا

واحنا نجحنا

يبقى لازم لازم نلعب

بالعلم والقراءة

عقوانا تبقى سليمة

باللعب والرياضة

أجسامنا برضة سايمة

دى أجازتنا

واحنا نجحنا

يبقى لازم لازم نلعب

لما الواحد عمل واجباته

قضى فرضه وكل حاجاته

يبقى حقه يلعب يلعب

دى أجازتنا

واحنا نجحنا
يبقى لازم لازم نلعب

يا أهالينا يا أهالينا
بالراحة بالراحة علينا
دا اللعب هو الهوا لينا
ودى اجازتنا
واحنا نجحنا
يبقى لازم لازم نلعب

فتاة ١: فعلاً اللعب لينا زى الميه و الهوا

فتاة ٢: بيسلينا .. بيقوينا .. ويخلينا نحب بعضينا

فتاة ٣: بس إحنا مالناش حق

الجميع: فى إيه؟

فتاة ٣: ان إحنا لعبنا قبل و داد ماتيجى ..

فتاة ١: صحيح إيه آخرها النهارده

فتاة ٣: دى مواعيدها دايماً مضبوطة

فتاة ١: تكون نسيت؟

فتاة ٣: ودى معقول

فتاة ٢: الصراحة .. الصراحة ما نسيتهش أنا اللي نسيت؟

الجميع: نسيته .. نسيته إيه؟

فتاة ٢: نسيت إني أقول لكم

الجميع: تقولى إيه؟

فتاة ٢: اللي قالتى عليه

فتاة ١: وهي قالت إيه؟

فتاة ٢: اللي نسيت أقول عليه

فتاة ١: خلاص قولي وريحينا

فتاة ٣: ولا خالصينا

الجميع: قولي لقتينا!

فتاة ٢: أصالها قالت

فتاة ١: قالت إيه؟

فتاة ٣: قالت إيه

فتاة ٢: قالت إنها

فتاة ١: لا دي حتتدلع .. حتقولي ولا .. لا .. يالا نخليها تقول "يطاردوها" مش حاقول ..
مش حاقول

الجميع: لأ حتقولي حتقولي "تدخل وداد"

وداد: بس كفاية .. بس كفاية

الجميع: وداد كنت فين؟

وداد: كنت في أجمل مكان

الجميع: فين

فتاة ٢: كانت في البحر طبعاً

وداد: فعلاً كنت بساعد والدي في أول طريحة

فتاة ١: لكن ابيه اتأخرتى

وداد: أبداً .. انتم اللي جيتم بدرى!

فتاة : أبدأ زى كل يوم .. نصدى ادرى .. نيجى على طول علشان نلعب وياكى ونسمع
حكاياناك.

فتاة ٢: نتسلى ونتعلم .. نلعب ونقوى عضلاتنا

فتاة ٣: وبكده الأجازة ما تضيعش فى النوم والكسل

فتاة ٢: ولو انهم يقولوا انكسل أحلى من العسل .. وأنا بصراحة باحب العسل!!

وداد : عمر الكسل ماكان حلو .. لأن الكسلان غليان .. ما يقدرش يعمل حاجة عايز اللي
يشغل بداله .. اللي يأكله .. ويشرب به .. وده عمره ما ينجح زينا

فتاة : الحمد لله إن احنا نجحنا

وداد : لأننا ماكاناش كسلانين .. ذاكرنا وعملنا واجبنا وأدينا نجحنا والحمد لله

فتاة ١: ودلوقتى نلعب ونغنى وماددش يقدر يقول لنا حاجة!!

وداد : ياريت تقولوا الكلام ده لأصحابنا (تشير إلى مسرح العرائس)

الأطفال: مين

وداد : الكسلانين اللى لسة لحد دلوقتى نايمين

"يسمح صوت الأراجوز المميز .. ثم يظهر الأراجوز"

الأراجوز: لأننا اش كسلانين

وداد : أمال ليه لحد دلوقتى نايمين؟

الأراجوز: إحنا مش نايمين .. أيوه .. بس كنا مستنيين

الأطفال: مستنيين؟!

الأراجوز: طبعاً مستنيين .. لما تخلصوا الكلام وتدهولنا

وداد : ياسلام

الأراجوز: طبعاً أmaal فاكرينا إيه .. إحنا شوية ولا شوية .. الفنانين اللي زينا لازم يقعدوا ويستتوا لما الجمهور يندهلهم .. يتحيلوا عليهم

وداد: ده غرور بقى !!

الأراجوز: أرجوكى إحنا مش مغرورين .. إحنا فنانين .. ولا إيه يا عوكل .. يا أومباشى عوكل "تظهر عروسة الأومباشى عوكل"

عوكل: هاه .. أين هناك "بمسك بالأراجوز"

الأراجوز: إيه باعوكل .. أنا الأراجوز

عوكل: أراجوز ما أرجوز ماليش دعوه .. إيه اللي وقفك فى الممنوع

الأراجوز: ياعم عوكل إحنا لسة مالعبناش

عوكل: مالعبناش

الأراجوز: أيوه لسة بنتناقش

عوكل: نتناقش .. ولما احنا لسة بنتناقش .. بتندهلى ليه .. تصحبنى من أحلاها نومة ليه؟

وداد: وهو انت، لسة نايم يا أومباشى عوكل؟!

عوكل: طبعاً .. مش طول الليل سهران .. مستيقظ أحافظ على الأمن

وداد: ورا الستارة

عوكل: فى أى مكان .. أنا مايهمنيش ورا الستارة .. بره الستارة مش مهم .. المهم أحافظ على الأمن .. هاه مين هناك "ارتجال"

الأراجوز: ياسلام .. تحمدقوا .. دا كان طول الليل نايم والمزيكا بتاعته جايبة آخر الدنيا .. باكسلان

عوكل: أنا كسلان

الأراجوز: أيوه كسلان .. قولوا ورايا الكسلان أهه (الأطفال يشاركون فى النداء مع الأراجوز)

"تدخل زوجة الأب"

الخالة: الله الاله ولا كويس ولا عال

"الجميع يخبثوا"

وداد: صباح الخير ياخالتي

الخالة: وكمان ليكي عين تقولي يا خالتي .. طيب يا اختي انكسفي .. اختشي

وداد: ايه بس ياخالتي؟

الخالة: لكن ازاى .. أنا اللي حظي كده .. أه يانا أه يانا .. لكن والله ما سكت أبداً

وداد: ايه بس اللي حصل؟

الخالة: وكمان مش عارفة إبيه اللي حصل

وداد: اللي هو ايه؟

الخالة: طبعاً ما أبوكى اتجوزني علشان أخدمك وانت واقفة مع المفاعيص دول تلعبى

صوت الأراجوز: بس ماتقوليش مفاعيص

الخالة: بس ياوش الأذية .. انتم اللي حرضتها عليك

عوكل: تحريص .. والله مانت عارفة حاجة

الخالة: أنا مش عارفة "تؤجم على المسرح" يخبثي الأراجوز وعوكل

وداد: يا خالتي سبيهم

الخالة: وانتى ياست وداد .. مش عارفة إن وراكي شغل

وداد: الحمد لله عمات كل حاجة

الخالة: نضفتي البيت

وداد: نضفتة

الخاله: غسلى الغسيل

وداد : غسلته

الخاله: نشرته

وداد : نشرته

الخاله: لمتيه!

وداد : مش اما ينشف

الخاله: اهمه شوفى وتقولى عملت كل حاجة

وداد : وأنا كسا هانشفه

الخاله: وكمان بتردى على

وداد : مش قصدى يا خاله

الخاله: طيب، سقيني الزرع

وداد : سقيه

الخاله: اكلتى الفراخ

وداد : اكلتها

الخاله: والبل

وداد : زغطه

الخاله: والسك

وداد : سمك ايه

الخاله: اللى المفروض يا عينى انك تروحى وتساعدى أبوكى فى صيده

وداد : ساعدته فى أول طرحه شبك

الخاله: دلبحاً .. ورجعتى تلعبى مع المفاعيص .. لكن الحق مش عليكى .. أيوه .. الحق
على أبوكى اللى دلحك .. أيوه هو اللى دلحك لكن لأ .. لى كلام تانى معاه .. أيوه ..
أفضللى يانلا روحى من قدامى ما تنفرز نيش
آه آه يا أنا يا أنتى يا و داد .. كنت ناقصاك ولا ناقصاك
"يسمع صوت الأب"

الأب: زغلولة .. زغلولتى

الخاله: أيوه أموجه لما ألتعد له "تبكى" آه .. آه .. آه .. آه ..
"يدخل الأب"

الأب: أيه ده .. زمارة .. لأ مش زمارة .. مين زغلولة زغلولتى تبكى آه يالوعتى

الخاله: آه .. آه

الأب: لماذا تبكى الزغلولة المزغللة ..

الخاله: آه .. مالكش دعوه بى

الأب: وده اسمه كلام يا أحلى زغلولة فى الزغاليل .. يامزغللة عينى وحياتى ..

الخاله: آه .. كلام .. كلام ما اسمعش منك غير كلام .. آه .. آه

الأب: ايه بس الحكاية

الخاله: هى نفس الحكاية

الأب: و داد

الخاله: هالناش غيرها حكاية

الأب: مالها تانى

الخاله: دلعتها .. أفسدتها

الأب: أنا

الخاله: قوتها على صرختها

الأب: أنا

الخاله: خلته ما تسمع كلامي

الأب: أنا

الخاله: ايه أنا أنا .. أيو انت

الأب: أنا

الخاله: أيوه يا وحش يا كذاب أه .. أه

الأب: أنا كذاب هي حصلت

الخاله: أيوه كذاب ولا نسيت كلامك لي قبل الجواز

الأب: أنا

الخاله: (تقلده) اتجوزيني يا زغولة .. حاسدك حذليكي أغنى واحدة في البلد

الأب: أنا طيب منين (لنفسه)

الخاله: كل سمك البحر حصطاده علشان خاطر عنياك

السمك نصطاد ونبيحه ويبقى معنا فلوس

الأب: أنا (يخرج جيبه)

الخاله: وبالفلوس نشترى قصر كبير ويبقى عندنا الخدم والحشم .. خدعتني بكلامك

الأب: أنا

الخاله: وصدة تك ما كنتش أعرف إنك كذاب

الأب: أنا

الخاله: أيوه أنا "بعضبية"

الأب: ماهو زى ما إنتى شايبة أوحدى وبدراعى

الخالة: ماليش دعوة شوفلك صيبان .. عمال أنا مارضاش على ده الحال

الأب: منين بس

الخالة: يا راجل بنقول إنك أحسن صياد .. تشم ريحة السمك فى البحر .. شملول وشاطر
بقى تقدر تحقق الحلم اللى حلمناه سوى

الأب: وهو يعنى أنا مش نفسى إنه يتحقق من نفس انى اكون يعنى غنى ومعاه فلوس كتير
بس

الخالة: خلاص شغل بنذك معاك

الأب: وداد

الخالة: أيوه وداد

الأب: بس دى لسة صغيرة والشغل للى فى سنها بهدلة

الخالة: خلاص أنزل أنا معاك واشتغل مادام ترضى لى البهدلة

الأب: ودى برضه كلام

الخالة: وهى الصغيرة .. تلعب طول النهار مع العيال

الأب: ماهى أجازة والبنات ناجحة والحمد لله

الخالة: فتجاذبها ده حاتخد منه إيه هاه .. حيقبضنا ولا يغنيننا مصاريف وكتب ودروس
والحال على قد الحال .. مافيش غير إنك تشغلها معاك

الأب: بس إزاي

الخالة: فاكرا يا جاد يا حبيبى .. لسا كنت بتقولى إنك نفسك تبقى شيخ الصيادين وعندك
مراكب كبيرة كثيرة

الأب: أيوه فاكرا

الخاله: فاكّر لما كات بتقول باز غلواتي بكره حافسحك هأوريكي الدنيا وأكلك حلوة طحينية
وأزورك مصر وأكلك هيبورجبر.

الأب: همبورجر .. إيه هيدروجر ده.

الخاله: ولا نسيت

الأب: آه .. ماتفكرنيش

الخاله: بقى خلاص وريني همتك .. وخلي اللحم حقيقه ياسبع الرجال يا أسد .. يابطل

الأب: أنا أنا سبيع أنا أسد أنا بطل

الخاله: أيوه انت بس مش واخد بالك من نفسك .. يالا أنا سامع حد جيه وريني شغلك معاها
.. يالا ياسبع

الأب: أنا

الخاله: يا أسد

الأب: أنا

الخاله: بابال

الأب: أنا

"تخرج ببطء"

والله عندها حق الزمن بيجرى حبه حبه .. والعافية بتضيع حبه حبه .. والعمر
بيروح حبه حبه وما بيديش بداله ولا حبه .. فعلاً لازم تشتغل تسعى نجيب فلوس
فلوس.

(يظهر الأراجوز وعكاز)

الأراجوز: ياعم جاد ما تسمعش كلام زغلوتك

الأب: مالكش دعوة انت

عوكل: ياعم جاد رينا سبحانه مقسم الأرزاق وكل واحد له رزقه

الأب: أيوه وكمان ربنا قال اسعى يا عبد وكل من جد وجد .. وأنا مثلاً لازم أجد أكثر وأشتغل أكثر مفهوم.

الأراجوز: وتشغل وداد

الأب: وأشتغل وداد .. ليه بقي ما تشتغلش ها
عوكل: في دي مالكش حق .. تاهيذة وشاطرة وناجحة تضيع مستقبلها

الأب: على الأقل تشتغل في الأجازة أيوه

الأراجوز: يا عم جاد

الأب: هو ده الكلام

عوكل: ياربس جاد

الأب: ماتحاولوش وانفضلوا دلوقى سيبنى في حالى .. انفضلوا

عوكل: لاحول ولا قوة إلا بالله

الأب: عالم حشرية

"تدخل وداد"

وداد: انت هنا يا والدى

الأب: كنت فين ياست وداد

وداد: كنت بادور عليك

الأب: أنا .. يعنى يهكم أمرى

وداد: ماليش غيرك يا والدى

الأب: تقوى تسببنى اشتغل لوحدى وانت هنا بتلعبى مع العيال

وداد: ساعدت في أول طرحة

الأب: مش كفاية طرحة واحدة

وداد: الحمد لله كانت مليانة والخير كثير

الأب: لأ مش كثير .. أيوه مش كثير .. أنا لازم أصطاد سمك البحر ده كله
يبقى لى اوحدى .. وأبيحه وأبقى أغنى واحد فى الدنيا .. شيخ الصيادين

وداد: يا والدى القناعة حلوة

الأب: ماأناش لكن برضه الرزق يحب الخفية مش الناس اللاعبين
يالاقوام .. ورايا على الشباك

وداد: والأولاد مسحابى

الأب: أولاد .. أولاد هو أنا شغال صياد ولا دادة الأولاد

وداد: أيوه بس بعدما أحكى لهم الحكاية

الأب: والحكاية دى حتاكلنا ولا تشربنا ها .. تقدرى تقولى بتاخذى منهم كام على الحكاية

وداد: أخذ فلوس من أصحابى

الأب: طبعا تاخذى ليه مادام ل.... أب زى شغال ليا، نهار ويبجبلك اللى إنتى عايزاه ..
يبقى لا تاخذى ولا تقبضى وتقعدى ليل نهار تلجى .. أه بانا يا حظى النحس

وداد: وليه كده يا والدى

الأب: من غير كلام تانى فتحنى ودانك واسمعى

وداد: أمرك يا والدى

الأب: الصيد مسعب عليكى .. خلاص مفيش صيد بعد اليوم

وداد: شكرا يا والدى

الأب: لكن برضه ما فيش كمان لعب عرايس ببلاش .. أيوه

وداد: تقصد إيه يا والدى

الأب: تاخذى من كل عيل ثمن الفرجة .. زى السبما يعنى

وداد: ما أقدرش

الأب: لأ تقدرى

وداد: دول أصحابى بيحبونى وبحبهم

الأب: وهو علشان بيحبوك يضحكوا عليك ! يحبوك ببلاش

وداد: الحب يا والدى من غير ثمن

الأب: لا بتهن كل حاجة الزمان دى وليها ثمن

وداد: إلا حب الناس والصحاب

الأب: بلاش وجع دماغ .. بالثمن .. الفرجة من دلوقتى بتذاكر والله قسماً عظماً تقعدى فى البيت وأقطع كل العرائس دى

وداد: حرام يا والدى

الأب: هو ايه اللي حرام .. العرائس وأنا اللي دافع ثمنها يبقى حرام أقطع حاجة بتاعتى

وداد: با والدى أرجوك

الأب: لا ترجونى ولا يرجونى هى كلمة الفرجة بتذاكر

وداد: صعب

الأب: يبقى تساعدنى فى الصيد وهو الشبك فى المبه نسخيه على الشط .. وقدامك حاجة من اتنين يا الشبك على الشط .. يامفيش عرايس
"يسمع صوت الخالة"

الخالة: جاديلو .. جادودى ..

الأب: أنا .. أبوه ياز غلولتى جايلك يا زغلولتى .. '.....'

مفهوم الكلام "يخرج مسرعاً" جايلك يا زغلولتى

وداد: والعمل إيه ياربى .. حقدرو لوحدى إزارى أسحب كل الشبك ده

"يظهر الأراجوز"

الأراجوز: ولا يهمك ياست البنات .. حنسحبى الشبك من البحر ويكون بالخير اتملئ
وداد: ازاري يا أراجوز وأنا دراعاى ما تقدرش .. يادوبك ألب عروسة ولا أثنين

الأراجوز: واحنا روحنا فين

وداد: انتم مين؟

الأراجوز: أنا و عوكل .. ياعوكل .. ياعوكل

عوكل: هاه .. مين هناك

الأراجوز: يا أخى أصحى لى مره واحدة وفوق

عوكل: ومين قال إننى بأنام .. طيب أنا حتى سامع كل الكلام

الأراجوز: ورأيك ليه

عوكل: ودى عايزة كلام .. معاك بالتتمام

الأراجوز: شوفى يا وداد .. إحنا معاكى .. وربنا معانا كلنا

وداد: وده كلام .. انتم تسحبوا معاى الشبك

الأراجوز: وهو احنا عرائس .. ياسلام نسييتى قدرة ربنا .. بقدره الله سبحانه وتعالى
حنساعداك

وداد: ده شئ ولا فى المعجزات

الأراجوز: الحب اللى فى قلبك يعمل كل المعجزات بس إنتى قولى موافقة

وداد: وايه أقدر أقوله غير موافقة .. "تخرج"

الأراجوز: توكلنا على الله

"يخرج الأراجوز و عوكل فى هيئة"

الأراجوز: ياسلام ونعم بالله .. شد حيلك يا عوكل

عوكل: أدى انى أه

الأراجوز: ياسلام اللى يشوفك كده يقول أومباشى بصحيح .. لا أومباشى إيه قول لوا بحاله

عوكل: شكراً يا أخ وحضرتك مين

الأراجوز: نعم

عوكل: معاك بطاقة

الأراجوز: انتت فاكرك نفسك بوليس بحق وحقيقى ياعوكل واحد

وترجع تانى عرايس يا أخويا

عوكل: برضه ولو .. هاه مين هناك أنبطح .. انبطح

"تدخل وداد"

وداد: لا مؤاخدة انتم مين

الأراجوز: شايف مين

وداد: مش واخده بالى

الأراجوز: أنا أراجوز أراجوزك

عوكل: وأنا عوحو عوكل صديقك

وداد: سبحان الله قادر على كل شئ

"تظهر الأولاد"

الأولاد: واحنا كمان معاكم مش معقول نسيب وداد لوحدها

الأراجوز: شفى ياوداد .. عمر الحب ما يضيع

عوكل: كفايا يا أخويا خطب وشعارات ويالا على العمل قبل جاد الصياد ما يرجع ويخلى

عشتنا هباب

يالا يا شباب هيل هيل .. هيل وهيل

أغنية العمل:

هيا هيا وهيا وهيا

تطلب وقت الشدة

دا العمل خير ه علينا

هيا هيا وهيا وهيا

ابدل معاى يا أذينا

دى الايد بالايدي

قوة كبيرة

والعمل فرحة علينا

وهيا هيا وهيا وهيا

قالوا عنا متغيرين

لعبين ومش نافعين

لما العمل ندا علينا

قولنا له عاى طول جايين

وهيا هيا وهيا وهيا

هيا هيا وهيا وهيا

..... خلى العمل

وهيا هيا وهيا وهيلاد

الأطفال: وأخيراً خلاص طلعتنا الشبكه

الأراجوز ٢: مليانة سمك بيلعظ كده كده .. يكفى سنه

وداد: الحمد لله .. بس على الله والدى يكتفى وبسيينا نلعب شوية

الأطفال: يالا ياوداد إحكى لنا حكاية

وداد ٢: حاضر .. أروح أندو لوالدى يشوف الخير ده ونحكي حكايتنا

الأراجوز: وتسيبي السمك .. ياخبر

عوكل: أما مسيح أراجوز ما عندوش نظر .. أمال أنا با أعمل إيه مش أنا برضه رجل الأمن هنا .. أمال أنا بأعمل إيه مش أنا برضه رجل الأمن هنا... وحارس كل حاجه غاليه وحلو.

وداد: طبعا أومباشى عوكل.

عوكل: خلاص.. روى إندهى اوالدك .. وأنت خد أصحابنا العبوا بعيد وسيبوني أشوف شغلى وأخلى بالى م السمك... حطوا فى بطنكم بطيخه صيفى. 'ينصرفوا' . هاه مين هناك.

"يسير كالحارس بجانب السمك".

"تدخل الخاله فى هدوء"

الخاله: الله هما راحو فين ما كانوا ملين الدنيا دوشه وزيطه... يالا فى سين

عوكل: هاه مين هناك

الخاله: يا ستار وانت طلعت منين.

عوكل: أنا الأمباشى عوكل... عين الحكومه الساهره... أطلع فى أى وقت وفى أى مكان.

الخاله: وبتعمل إيه هنا يا عين الحكومه الساهره.

عوكل: الظاهر انك مش واخده بالك.

الخاله: من إيه؟

عوكل: م السمك ده كله.

الخاله: "تنظر تجاه السمك" بسم الله ما شاء الله. إيه ده كله إيه ده كله

عوكل: رزق بعنه ربنا للناس الطيبين.

الخاله: وده بتاع مين.

عوكل: مش حا أقولك

الخاله: "نفسها" تلافيه تباع حد م البلاد أه يا ميلة بختى، يبقى جاد
قاعد فى البيت والناس عما له تشتغل والبحر أه بيديها.

عوكل: هاه.. بتقولى حاجه.

الخاله: لا.. يا خويا.. خالى بالك من سمك الناس ربنا يقويك.

عوكل: هاه بين هناك.

الخاله: "نفسها" مشنه وأملاها من وراه.. ولحد شاف .. ولحد درى.
مع السلامه يا أخويا "تخرج"

عوكل: مع السلامه هاه مين هناك،

"تدخل الخاله حامله مشنه تضعها على رأسها وتقف
"خلف عوكل"

عوكل: إيه فيه حد هنا... شامم ريحه حد واقف هنا معاى.

صوت الخاله: أنا الحنكوش المنكوش إلى أخليك حمار وما اركبوش

عوكل: طيب وانت عايز إيه ساي حنكوش

الخاله: آخذ حمل سمك لأولادى

عوكل: ولادك،

الخاله: أبوه الحناكيش الصغير بين أنفسهم ياكواوا سمك.

عوكل: خلاص استنى اصحاب السمك لما يجوا وخذى منهم اللي بيعجبك.

الخاله: لا.. أنا مش فاضيه.. حاخذ منك أنت.

عوكل: ما أقدرش .. دى أمانه وانا بحرسها.

الخاله: خلاص انت اللي جنيت على نفسك حاخليك حمار.

عوكل: حمار حمار بس ما أخونش الأمانه.

الخاله: ورائى هتحملى إيه.

عوكل: ها أقبض عليك 'مطاردة تنتهى بإمساك الخاله' والقفه على رأسها.

الحقونى.. الحقونى

"يدخل الجميع"

عوكل: حنكوش ابن منكوش

الاراجوز: مين.

عوكل: حرامى السمك عايزه تسرق سمك وداد

"الخاله تهرب من يده"

الخاله: سمك وداد حرامى فى عينك

عوكل: زغلولة

الاراجوز: زغلولة بتسرق السمك

الخاله: اسرق فى عينك منك له .. حد يسرق حاجته.

عوكل: أبوه

الخاله: ابدأ.. أنا كنت عايزه أمنحك واشوف شطارتك وانت واقف لاحرس سمك وداد بنتى

حبيبتي.

عوكل: يا سلام.

الخاله: واديك نجحت، في الامتحان

عوكل: تسايغ عشان تعرف انى راجل أمن بصحيح.

الخاله: ودى دايژه كلام.. كاك واجبه.. 'تخرج'

عوكل: هاه مين هذاك

تدخل وداد والاب"

الأب: هما دول اللى عايزانى أشوفهم.

وداد: الصبر طيب يا والدى

الأطفال: فعلا الصبر طيب

الأب ٢: انتم لسه واقفين هنا يالا من قدامى

"الأطفال تخرج مسرعه"

عوكل: عشان خاطر وداد.. انتفضل يا أراجوز.

الاراجوز: لا والله بعدك يا حضره الامباش.

عوكل: لا والله ما يصحش.

الأب: يا لا منك، له. بلا لكاعة

"يخرج لاخارج"

وداد: ليه كده يا ولدى.

الأب: احنا لسه هنعيد الكلام.

وداد: خلاص يا ولدى ما عدش فيه كلام.

الأب: يعنى ايه؟

وداد: الشيلك. وانسحب وهو هذاك على الشط. وبالسملك مليون

- الأب: ايه الكلام ده.
- وداد: اهو ده اللي حصل.
- الأب: "يجرى تجاه الشبك" وأزاي ده حصل؟
- وداد: بفضل الأولاد اللي انت طردتهم.. هما اللي ساعدوني والشبك وبابا سحابه وعاونوني.
- الأب: بسرعة قوام ساعديني نصفه ونقسمه قبل ما العين الحاسدة تلمحه وتحسده.
- وداد: سمى الأول بالرحمن خلى البركة فيه تحل.
- الأب: سميت فى سرى وتعالى قوام من غير رعى وزياده كلام.
- وداد: من عيني..
- الأب: حطى الصغير هنا.. والكبير هنا... والمتوسط هنا... يا لا الهمة بسرعة قوام 'بيبدأ وا فى العمل وفجأة'
- وداد: ايه ديه يا والدى.
- "تناوله زحاجة من بين الأسماك.
- الأب: ديه قزارة ورينى كده.
- وداد: بلاش يا ولدى ليكون فيها ضرر.
- الأب: عمر البحر ما يجيب الشر
- "الأب يخطف الزحاجة ويحاول فتحها"
- وداد: با بابا.. حاسب
- الأب: باستى ما تخافيش.. يا قوى. "يسمع صوت ضحكة كبيرة" أه ده مين بيضحك بالشكل ده.
- وداد: "تعود". مافيش!!

الأب: اكيد متيهيا لى.. بسرة يلى قسمى السمك. اما انا اشوف دى فيها ايه.. "ياخذ
الزجاجة ويحاول". "يسمع صوت الضحكة"
انا ساتر.. ايه الحكاياه.. الصوت ده جى منين تانى

وداد: الففش خد يا ولدى.

الأب: شوفنى كويس.

وداد: كل شبر شفته.. وكل حجر بقيت وراه.

الأب: اقوم انا وادور.. اقعدى انتى وصنفى.

وداد: حاضر يا ولدى

الأب: "يعود" حاجة غريبة مفيش حد.

وداد: ما تساعدنى يا والدى.

الأب: مشى افتح القزارة الأول.

"الأب يحاول فتح الزجاجة.. يسمع صوت الضحكة"

وداد: يا ولدى الصوت جى من القزارة.

الأب: "يقذف الزجاجة بعيداً" من القزارة.

وداد: ايه يا ولدى.

الأب: ياربى سلم. هو القزار بيتكلم!!

"يسمع صوت ضحكه كبيرة"

الصوت: يا سلام.. يا سلام... ما حلاها الحرية.

الأب: ايه الصوت ده.

وداد: شوف يا ولدى حاجة ولاقى الحكايات. القزارة طلع منها مارى كبير

الأب: اللهم احفظنا سترك يارب. "يحضن وداد"

"يدخل المارد وهو يضحك"

المارد: أه أنت اللي دلاحتوني من القمقم.

الأب: لأمنه أنا.

المارد: عيب تكذب.. راجل كبير ويتكذب

الأب: انا مش بكذب.. انا دويك، حركت الغطا

المارد: وهى حركة الغطا شوية. هى اللي رجعتلى الحرية.

وداد: وعاييز ايه يا عم دلوقتى.

المارد: عاييزا اكافنكم

الأب: متشكرين... الله الغنى.

المارد: لأ. لازم اكافنكم

وداد: قلنا متشكرين.

المارد: وعد وأخذه على نفسى وما أرجعش فيه

الأب: خلاص هات المكافأة.

المارد: لأ....

الأب: لا حول الله... يا سيدى ورائنا شغل أرجوك ما تعطلناش

المارد: لما اكافنكم

الأب: هات المكافأة.

المارد: لأ....

وداد: هو ه ايه اللي لأ !!

تدخل الخاله:

الخاله: ايه الدوشه اللي عاملينها دى.

الأب: بصي يا زغلولة شوفي.

الخاله: يا لدليف ايه ده.

وداد: مارد طلع من القزارة.

الأب: وقال ايه عايز يكافئنا.

الخاله: يا حلاوه ولا في الحواديت وحيكافئنا إزاي.

المارد: انتوا اللي هتكافأوا انفسكم

الخاله: الله ازاي.

الأب: دا ايه الهمنا اللي احنا فيه ده.

وداد: وتيجي ازاي !!

الأب: يحنى مين بالطبط اللي حيكافئ مين

المارد: انا اللي حاكافئكم.

الأب: لحد كده كويس.

الخاله: كويس.. وازاي بقى حتكافئنا

المارد: انتم اللي حتكافئتم نفسكم.

وداد: أزاي فهمنا.

المارد: "يضحك".. تختاروا المكافأة اللي أنت عايزينها.

والخاله: المكافأة اللي احنا عايزينها!!

المارد: ايوه.. وعليه انا اجيبها لكم.

الخاله: يا سلام!! اى حاجة.

المارد: اى حاجة.

الأب: وكل حاجة.

المارد: لأ..

وداد: حترجع تانى.

الأب: بس انت قات احنا نختار وانت هتجيب اللي احنا اختارناه.

المارد: بالضبط.

وداد: انما ايه اللي مش ضابط.

المارد: مش كل حاجة.

الخاله: يعنى حاجة واحدة بس.

الأب: يعنى احنا نطلب حاجة واحدة بس

المارد: هيه ديه المكافأة

وداد: ايه رأيك نخليه يقعد يصنف لنا السمك ده.

الخاله: سمك ايه انتى رخرة

"المارد" بقى انت تقدر تجيب اى حاجة نطلبها.

المارد: بالتأكيد.

الأب: أو نفسنا فيها.

المارد: بالتأكيد.

الأب: خلاص... عايز كوم... لأ.. جبل ذهب.. فلوس.

المارد: بن عيسى.

الخاله: لأ.. لا أستنى. أستنى

الأب: الفلوس ممكن تخلص.. لكن ايوه.. أيوه.. عايز اكون اكبر سلطان فى البلاد

المارد: من حبنى.

الخاله: لأ...لأ... استنى.. سلطان ايه. انما كمان ممكن السلطان يتهزم فى حرب ويخسر
"لوداد"... ما تفكرى معايا.

وداد: وانا ايش عرفتى انتم عايزين ايه.

الأب: عايز اكون اغنى واحد واحسن واحد. وأعظم واحد.

وداد: على مهلك يا ولدى.. العذمة لله واحد سيحانه.

الخاله: لكن فيه برضه ناس عظام على الأرض

الأب: آه عايز اكون احسن منهم كلهم.

المارد: يا لا خاصونى.

الأب: ما هو انت كمان حططنا فى مزق... حاجة واحدة شئ يحير ما تخايبها اثنين

الخاله: ولو كانوا ثلاثة يجرى ايه؟

المارد: هيه حاجة واحدة !!

الأب: خلاص سبنا شوية تفكر.

المارد: على شرط حاستناكم ساعة واحدة تفكروا

الخاله: ساعة واللهم دا حرام.. ذلم

المارد: هى ساعة واحدة.

وداد: وبعدها؟

المارد: ان ما فكرتوش وختونى ما أنفذش وعدى وحبسكم فى القمقم بدالى وارميكم فى بحر
الظلمات.

الأب: يا لدايف اللطف يارب.

الخاله: وماله يا خو ساعه ساعه

وداد: يا عم أحنأ مش عايزين حاجة والحمد لله أحنأ كده كويسين.

الأب: ايه الكلام ده يا وداد

الخاله: ما تسمعش كلامها يا سى المارد وانكل على الله وتعالى بعد ساعه وباذن الله حاكون فكرت واكيد اكيد حنلاقى حل.

المارد: بعد ساعه والإ ذنبكم على جنبكم

وداد: واللهم باقول تصنيف السمك احسن.

الخاله: بس ياستى وداد... اتفضل يا سى العفريت مع الف سلامة.

المارد: لقاء نابعد ساعه.

الأب: بعد ساعه مع السلامة.

الخاله: وانتى بلاش لكاعة. وفكرى معانا "لوداد"

الأب: فعلاً دى مشكلة وورطة. حاجة واحدة تسعد الإنسان طول عمره ايه هى بس يا ترى؟ المال.. السلطان.. القوة...

الخاله: لو الثلاثة مع بعض يبقى شئ عظيم.

الأب: لو اثنين حتى. ما يفرقش.. ايه

الخاله: احسن حاجة فى الثلاثة؟

وداد: انتم يذكلموا نفسكم

الأب: ايه بنكلم نفسنا ديه... اسمها بفكر تفكر

الخاله: وممكن انتى كمان تسيبنا لوحدا نفكر.

وداد: حاضر... "وتتجه إلى العربية"

الأب: برضه حاتسبيني لوحدي.. واللهى عال... بنتى الوحيدة مش عايزة تساعدنى...آه يا حظى.... آه يا حظى.

وداد: مش ديه رغبتك يا خالتي

الأب: وافرحنى انها قالت سببنا لوحدها... حاولي برضه تساعدنا حتى ولو غصبنا عنك

وداد: من عيني..

الأراجوز: "يظهر برأسه". ايه رأيك فى المال. تبقى غنى بالمال. وتشترى السلطان وتشترى كل فنون البلد وتبقى عليهم اقوى واحد فى البلد. صح الكلام؟

الخاله: واللهى كلام تمام!!

وداد: يا ولدى ده كلام الأراجوز.

الأب: بس كلام تمام... المال يشتري القوة والسلطان.. خلاص يبقى هو المال.

الخاله: فين انت ياسى العفريت. احنا خلاص. اخترنا المال.

وداد: يا ولدى فكر.

الخاله: احنا فكرنا

الأراجوز: بس يا خسارة.

الأب: ايه هي الخسارة.

الأراجوز: ولا أقولك أسمع دى الحكاية.

الأب: حكاية ولا خسارة.

الأراجوز: لأ... هيه حكاية.

الخاله: وده وقت حكايات.

الأراجوز: يا أختى سلى وقتك... لسه قدامنا ساعة بحالها.

الأب: على رأيك.

الأراجوز: يا لا يا وداد نحكى لوالدك الحكاية.

الأراجوز: كان يا ما كان.

عوكل: فى سالف العصر والأوان

وداد: كان فى رجل غنى غنى... لكن يا خسارة كان عيان
نظير عروسه الرجل:

الرجل: أه يا بدلى... أه قلبى... أه يا كلى... كلى يا جسمى عيان... تعبنا... لأ عارف
إتهنى بلقمة... ولا بفسحه... ولا نومه... ليه يا رب... كده... كل الأطبا غلبوا
معاي مش عارفين. ليه دوا... يقالى سنه لا باكل ولا أنام والنهارده جالى طيب من
بلا وبعيدة وبيقول ان عنده الدوا

البنيت: يا والدى ربنا قادر على كل شئ.. جرب معاه ونشوف.

الرجل: وتفتكرى حيقدر يشفى.

البنيت: ربنا قادر على كل شئ

الرجل: اندميلة.

"يدخل الاراجوز"

الاراجوز: هاه بتقول عندك ايه

الرجل: عندى

الاراجوز: خلاص انا عرفت

الرجل: وانت لسه كشفت

الاراجوز: عن ثروتك تتنازلى.

الرجل: ازاي

الأرجوز: هو دة الشرط

الرجل: مش معقول... دا أنا من غير ثروتى ما أسواش

البنت: وهى كانت ثروتك نفعتك وإنت عيان.

الرجل: يعنى إيه

البنت: الصحة نعمة من ربنا... والمال نعمة من ربنا وربنا يعوضك عن المال بالصحة لكن الصحة ما تتعوضش بأى مال.

الرجل: فعلا طيب أفكر

وداد: إيه رايك هيفكر فى إيه.

الأب: كنوز الدنيا ما تساويش لحذلة واحده يبقى فيها الإنسان

وداد: هوه ده الكلام.

صوت المارد: "يضحك فاضل من الزمن ٤٠ دقيقة.

الأب: يا أخى ما احنا بنفكر الله.

الخاله: يعنى إيه مفيش فايده م المال؟

وداد: زى ما سمعت يا خالتى الصحة اهم من المال ده قرار الراجل الحكيم!!

الخاله: لأ... ده كلام...

الأب: وعلى كلاً بلاش المال... أحنا جاختار السلطان؟ أبوه. الملك لو مرض كل الناس تبقى عايزة تخدمه. كفاية انها تبقى قريبة من السلطان.. أبوه اختار السلطان!!

الأرجوز: صح السلطان الأصح.

عوكل: سلطان مين يا عم؟ أسألنى انا على السلطان مش انا برضة امثل السلطة يعنى فيه شوية من السلطان عاجبك إيه فى حالى.

الأب: كفاية الناس تعمل لى حساب

عوكل: ١٥... ١٨ حساب طب اسمع منى الجواب.

عوكل: كان يا ما كان...

وداد: كان فيه حاكم ظالم.. طماع كان دايمًا يحب النّا تقولوا...

السلطان: هاه سمعوني..

صوت: انت يا ولانا أكبر سلطان.. اقوى سلطان... مافيش سلطان زيك بين السلاطين

صوت: نفاق نفاق... الشعب جبان... الناس تعبانة مش لاهيه تاكل

السلطان: لا.. دا مفرض.. دا انسان كذاب خدوة انفوه برة البلد.

صوت: انا خلاص زهقت منك ومن النافقين الكذابين وبنفس هاسيك البلد وأنسى... انا وكل الناس الطيبين.

وداد: وسابت الناس البلد وبعد شويه

السلطان: هاه سمعوني... احلى كلام... ايه مش سامع حد يهتف لى ليه

صوت: ماعدش فيه ناس يا مولاي.

السلطان: ازاي وابنى سلطان على مين على الكراسى.. على الحيطان ها تدلى مش ها تولى ستى.

وداد: وقعد يعيط لكن ماحدش سمعه. كانوا شرطيين شرط عشان يرجعوا لازم يسيب السلطان.

صوت المارد: فاضل من الزمن ٢٠ دقيقه

الخاله: ايه هو امتحان

الأب: خلاص بلاش السلطان. تبقى القوه وانا حاختر القوه

وداد: طب اسمع يا ولدى الحكاياه دى.

الأب: خلاص. مش سامع ما أنتم سدودها

الخاله: يعنى ايه مفيش حاجة نافعه ولوقت بيجرى

الأب: فكروا معايا بدل ما تعجزونى كده فكروا.. فكروا.. العفريت زمانه جى... ايوه زمانه جى !!

وداد: يا ولدى اختار حاجة تانية !

الخاله: إختار ايه بس فيه حاجة احسن من المال والسلطة والقوة.

وداد: اكيد فيه.

الأب: ايه هو بس. "يسمع ضحكة المارد"

يا خبر زى بعضه اهو وصل ولسه.

صوت المارد: فاضل خمس دقائق استعد يا جاد لقضائك.

الأب: لقضايانا... اشهد ان لا اله الا الله وان محمد رسول الله.

الخاله: ما تخافش يا جاد ودى وحنالقى الحل.

"تدخل الأطفال"

فتاه: ما تخافش يا عم جاد

فتاه: ما تخافيش يا وداد

فتاه: احنا بعون الله حنساعدكم عدكم.. ولا ايه يا أراجوز؟

الأب: خلاص مش سامع ما انتى سدديها.

الخاله: يعنى ايه مفيش حاجة نافعة والوقت بيجرى

الأراجوز: ايوه لازم نساعدهم.

عوكل: "تظهر العروسة" انا عندى فكرة.

اول ما يجى العفريت نضحك عليه ونقوله أزاى عفريت كبير زيك كده يخش جوه القزارة الصغيره ديه. يقوم هو يخش نقفل عايله. ونرميه تانى فى البحر.

جاء: وافر ض ما رضاش يدخل.

عوكل: لأزم يدخل. ايوه انا شايفها فى السيما كده.

الأطفال: "يضحكوا"

وداد: لأ. لازم فيه حاجة

الأراجوز: طبعاً فيه بس هو بييجى وأحنا ها ننقذكم بإذن الله !!
"ضحك المارد - يدخل المارد"

المارد: هاه. اخترت يا جاد؟

جاد: "يرتجف" واللهى واللهى مش عارف ايه اقول

فتاه: فيه حاجة عايزين نعرفها الأول.

المارد: وانت مين كمان؟

فتاه ٢: انا مع عم جاد.

المارد: وايه بقى عايزة تعرفيه؟

فتاه ٢: لو عم جاد إختار وانت ما عرفنتش تنفذ وعدك ايه نعمله.

المارد: "يضحك" أما صحيح عيال.. انا ما اقدرش.

وداد: "تشجع" لو سمحت جاوب على السؤال.

جاد: ايوه هو ده الشرط.

المارد: على مهلكم عليه.. ولو انه ده كلام ما يدخلش الدماغ... لكن اهاودكم برضه.. انتم
عايزين تعرفوا ايه يحصل لو ما نفذتش وعدى.

الجميع: ايوه..

المارد: "يضحك"

الأراجوز: يا أخى ما بلاش الضحكة ديه. الله. دى بتلاش جتنى.

فتاه ١: هاه... ايه الحل؟

المارد: بسيطة. ارجع تانى القمقم واترمى فى البحر وما استهلش الحرية اللي خدتها.

عوكل: ده وعد.

المارد: "يضحك" وعد

عوكل: اذن نفتح محضر بالكلام ده.

الأراجوز: محضر ايه يا عوكل وهو فيه وقت.

المارد: هاه.. وايه الطالب اللي انتوا عايزينه؟ وانا مش هقدر انفذه؟ اسمعوا... فاضل دقيقة واحدة قدامكم وبعدين...

جاد: يا رب سلم.

فتاه ٢: تعالى يا وداد "يتجمعوا اسفل مسرح الأراجوز"

المارد: يا سلام عاملين اجتماع... صحيح شوية عيال. فاضل ١/٢ دقيقة... ايه الكلام

وداد: خلاص اختارنا.

جاد: صحيح يا وداد.

الخاله: الفلوس مش كده

المارد: هاه وايه هو الاختيار

وداد: العالم كله مولع نار.. حروب فى كل مكان... شهداء ملين الساحة. أوامل وإيتام.

الأراجوز: مجاعات وعاهات وضحايا.

فتاه ٢: فى البوسنة فى الشيشان

وداد: فى الصومال. فى افغانستان.

فتاه ٢: فى أسيا. فى إفريقيا

وداد: فى امريكا اللاتينية

"يبدو الخوف على المارد"

وداد: كل ده بسبب جشع الإنسان

وفشلت كل الجهود... كل المحاولات

الأراجوز: لا حد قادر يوقف الحرب

وداد: ولا حد. قادر يتفد الأطفال

وداد: ولا حد قادر يسعد الإنسان

جاد: ايوه تمام... هو ده الاختيار... يا لا يا مارد... يا بو الموارد ورينا الهمة واصلح
حال الكون.

وداد: حول الصحارى خفده.

ما تخليش على الأرض طفل جعان.

فتاه ٢: ولا مريض ولا يتيم.

وداد: انزع من قلوب الأطفال الخوف.

الأراجوز: من اجسامهم المراض.

وداد: انزع من قلوب الأطفال الخوف.

الأراجوز: من اجسامهم المراض.

عوكل: ومن قلب الإنسان شيل الظلم.

وداد: الجشع.

جاد: حب الشر للإنسان

الجميع: يالا يا مارد يا جبار. نفذ. هي ديه المكافأة.

المارد: "مترددًا" ايوه بس ده شئ كثير.

وداد: كفاية تزرع بدال الشر. الحب فى قلب الإنسان

المارد: ما اقدرش.

وداد: حتى انت يا مارد ما تقدرش

المارد: ايوه ما قدرش... دى عايزة معجزة ثانية ولا اقوى مارد يقدر عليها.

الأراجوز: يعنى المارد يعجز عن انه يحل مشكلة عاملها الإنسان.

المارد: ايوه لأن الإنسان لما ينوى على الشر يبقى اكبر واقوى من المارد

وداد: أزاى.

المارد: عمركم سمعتم عن مارد اخترع قنبلة ذرية

عمركم سمعتم عن مارد جوع البشرية.

عمركم سمعتم عن مارد حارب مارد. يتم ولا ده وشره مراته ولهه دياره.

الخاله: خلاص تبقى ترجع تانى للقمقم باشاطر.

المارد: ولو أدلكم على الحل؟

الجميع: الحل !!

المارد: ايوه الحل .. تسيبوني حر؟!

الجميع: موافقين ايه هو الحل؟!

المارد: الحل فى ايديكم انت فى ايدين الأتسان. لو حب الإنسان الإنسان. لو حب الأرض. لو

حب الطفل. لو حب الخير تتحل كل الأوجاع. بالحب يا أصدقائي تتحمل الإنسان!!

الجميع: بالحب !!

وداد: وبالقناعة.. كل حاجة موجودة فى الدنيا تكفى الناس وتزيد لكن الناس عايزة تاخذ كل

حاجة لنفسها كل واحد عايز ياخذ ويكوش لوحدة ومش مهم التانيين. كده ولا لأ؟! كل

واحد عايز يبقى هو الغنى لوحده، كل واحد عايز يبقى هو السلطان علشان يتحكم فى
الخلق، كل واحد عايز يبقى هو الأقوى علشان يسيطر على الخلق وينسوا ان فيه
واحد بس هو الأغنى.. هو الأقوى هو سلطان كل السلاطين سبحانه الله العظيم

الأب: فعلاً.. بالحب والرضى والقناعة.

المارد: كلام تمام.

ودلوقتى ايه رأيكم أقدر أطيير...

عوكل: ما تخليك معانا يا أخى واللهم كلامك حكم.

المارد: معاكم فين يا عم هى الأرض سيعاكم... وانا لو خيرونى بين العيشة وسط الناس ولا
القمقم. لا اختار القمقم. عن اذنكم ... مع السلامة.. "يخرج"

الجميع: مع السلامة... مع السلامة.

جاد: يا سلام... فعلاً كنت غلطان ... الحب والقناعة يالا يا ولاد العبوا... هيصوا...

خذيهم يا ودا ولا عبيهم. سليهم وقبل ما تروحوا فيه هناك سمك كثير كل واحد ياخذ
شوية منى هدية العبوا وانبسطوا.. افرحوا هيصوا

الأطفال: "يصفقوا" يعيش عم جاد

جاد: ومن النهاردة يا ولاد اعا هدمك مفيش غير الحب والقناعة وكلكم لازم تبقوا كده...

ايوه لازم تحبوا بعضكم. ترضوا بلى قسموا ليكم ربنا

يالا يا اراجوز غنى وسلمى وضحك حبا بيننا. غنى لهم عن الحب عن

القناعة... عن حكايتنا... علشان يفتكروا دايماً حكايتنا.

الأراجوز: ماليش نفس اغنى يا عم جاد

عوكل: ليه

الأراجوز: مش هاغنى الا لما الناس تتغير

جاد: ايوه بس المسرحية لازم تنتهى بالغنى

الأراجوز: ان كان لازم يبقى تقولوا معايا.

"أغنية يرلا"

(النهاية،،

د. كمال حسين

لدينا من هذه الزميمة مئة ريالاً بدار مسج (دار بنت الصناديق) ثالث / دكان الله عليه

كلير رباح من الأطفال التابع لوزارة التعليم العالي علم أنه رباح لأني

أذكر أن ما له الأداة العامة في الأداة والركاب والملاهي

نما بنا برامنا في هذا الرقعة بكون البرم في البرم والو في الأول في المدة بالسبع على
الوقت ما تكرر البرم في البرم في ما تكرر بالوضاء والملاهي والركاب والبرم
منه الزميمة في البرم في البرم في البرم في الأول والصدع بالو
العام وذلك في القاعة ٥٥٤٢ والقاعة المعدل ٤٨ ١٩٤٩

المدير العام
م. ر. ب.
١٩٤٩
ر. ث. الجندى

م. ر. ب.
م. ر. ب.
١٩٤٩
ر. ث. الجندى

م. ر. ب. ١٩٤٩

١٢٢
٩٨١٤١٢٩

